

Ուսուցիչների պարտադիր վերապատրաստում

## ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ՝ Հանդուրժողականությունը որպես

մանկավարժի կոմպետենցիա

Դպրոց՝ Մուղնու Մ. Աշճյանի անվան հիմն. դպրոց

Ուսուցիչ՝ Ռուզաննա Հայրապետյան

2022թ

## ՆԵՐԱԾՈՒԹՅՈՒՆ

### **Հետազոտության արդիականությունը:**

Ներկայումս մանկավարժական գործընթացի արդյունավետության համար անհրաժեշտ և կարևոր պայման է հանդիսանում կրթական գործընթացում աշակերտների սոցիալական, անհատական - հոգեբանական տարբերությունների ընդունումը:

Արդի հասարակության մեջ, որտեղ սթրեսը և մրցակցությունը գերակայում են, անհրաժեշտ է դառնում համագործակցության ակտիվացումը՝ հանդուրժողականության ուսուցչի կարևորագույն կոմպետենցիայի ձևավորման շնորհիվ: Ընդ որում, բացի «հանդուրժող ուսուցչի» մանկավարժական գործունեության հիմքում պետք է ընկած լինի, այլ ուսուցիչը այդ մշակույթը պետք է փոխանցի և դաստիարակի իր աշակերտներին հանդուրժողականության միջավայրում:

Փոխվել է կրթության կենտրոնական դեմքը՝ ուսուցչակենտրոնից մենք անցում ենք կատարել աշակերտակենտրոն ուսուցման և այստեղ շատ կարևոր է, որ ցանկացած ուսուցիչ հանդուրժող լինի: Նա պետք է գիտակցի, որ երեխան իր գործընկերն է և ոչ թե ինքն է ամբողջ գործընթացի հեղինակը, այլ համահեղինակն է:

Վերջին տաս տարիների ընթացքում ՄԱԿ-ի «Հանդուրժողականության սկզբունքների վերաբերյալ հռչակագրում» առանձնացվել է համաշխարհային այն կոնկրետ առկա փորձը, որը հնարավորություն կստեղծի ապագա սերունդի մոտ ձևավորել և դաստիարակել հանդուրժողականություն:

Հանդուրժողականության հակասականությունը նրանում է, որ մի կողմից անհատը կամ մարդը համակերպվում է հասարակության մեջ բարոյական կամ էթիկական նորմերի խախտման հետ, իսկ մյուս կողմից հանդուրժողականությունը նրանից պահանջում է հրաժարվել այդ երևույթի վրա ազդելու հնարավորությունից: Այս տեսակյունից հանդուրժողականությունը ոչ միանշանակ է ընդունվում իբրև արժեք և իդեալ, այն մշտապես պահանջում է փաստարկումների ամբողջություն:

«Ուսուցչի էթիկայի նորմեր» փաստաթղթում մի շարք սկզբունքների մեջ նշվում է նաև հանդուրժողականությունը, իբրև ուսուցչի անհրաժեշտ և պարտադիր վարքականոնի բաղադրատարր, իսկ Եվրոպական երկրների մանկավարժական հայեցակարգում առանձնացվում է ուսուցչի հանդուրժողականությունն իբրև մանկավարժական արժեք:

Հանդուրժողականության երևույթի առավել լայն սահմանումը տրված է Հանդուրժողականության սկզբունքների հռչակագրում (ստորագրվել է 1995 թ. նոյեմբերի 16-ին Փարիզում), իսկ ներկայումս նոյեմբերի 16-ը հռչակվել է ամենամյա միջազգային հանդուրժողականության օր, հասարակության ուշադրությունը հրավիրելու անհանդուրժողականության վտանգների վրա:

### **Հետազոտության նպատակը**

Հանդուրժողականության՝ որպես ժամանակակից ուսուցչի մասնագիտական կոմպետենցիայի ուսումնասիրությունն ու ուսուցչի հանդուրժողականության մոդելի կառուցումն է:

### **Հետազոտության խնդիրներն են**

1. Ուսումնասիրել «Հանդուրժողականություն» հասկացության էությունն ու մեկնաբանությունները

ժամանակակից գիտության մեջ:

2. Վերլուծել հանդուրժողականության բաղադրատարրերը՝ որպես ուսուցչի մասնագիտական

կոմպետենցիա:

3. Մշակել «Ուսուցչի հանդուրժողականության» մոդել:

## Հանդուրժողականություն հասկացության էությունը և կառուցվածքը

XX դարի երկրորդ կեսի և 21-րդ դարի սկզբի հանդուրժողականության ինդիքը միջազգային բնույթ է կրում, քանի որ դրա դրական լուծումը թույլ է տալիս մեզ բացատրել բազմաթիվ միջազգային և ներպետական հակամարտությունների պատճառները: Հակամարտող կողմերի երկխոսության մեջ փոխզիջումների հասնելը անհնար է առանց փոխադարձ հանդուրժողականության

Լատիներեն «toleranten» բառը դարձավ հանդուրժողականություն հասկացության համար սկիզբ, նշանակում է կայունություն:

Մանկավարժության մեջ հանդուրժողականությունը համարվում է ոչ բռնության հիմք՝ որպես համամարդկային սկզբունք մարդու՝ շրջակա աշխարհի և այլ մարդկանց հետ հարաբերությունների կարգավորման մեխանիզմ:

Մանկավարժական հաղորդակցման տակ հասկացվում է մանկավարժի և սովորողների կոլեկտիվի փոխազդեցության հնարների և ունակությունների համակարգը, որի բովանդակությունն են կազմում ինֆորմացիայի փոխանակությունը, փոխընթացման, կազմակերպման ուսումնադաստիրակչական ներգործության ցուցաբերումը: Մանկավարժը հանդես է գալիս որպես այդ պրոցեսի ինդիկատոր, կազմակերպում և ղեկավարում է այն: Մանկավարժը առաջին հերթին գործ ունի հասարակության ամենախոցելի խմբի՝ մանուկների հետ: Եվ այստեղ կարևոր է ոչ միայն նրա մասնագիտական հմտությունները ու գիտելիքները, այլև հաղորդակցման և հանդուրժողականության ունակությունները:

Յուրաքանչյուր ուսուցիչ գիտի, որ երեխան անհատ է անկախ բոլոր հանգամանքներից մարդ էակ, հեշտ խոցելի: Յուրաքանչյուրին պետք է վերաբերվել որպես անհատականությունների, օգնել և խրախուսել:

Մանկավարժը պետք է հասկանա աշակերտի ներաշխարհը: Միայն աշակերտին ընդունելով է, որ մանկավարժը կարողանում է նրան հասկանալ: Սա ազատում է անհարկի վախից, վրդովմունքից, վշտից, զայրույթից, կանխարգելում է հարաբերություններում հոգեբանական լարվածությունը: Փոխադարձ ընդունումը բացում է ազատ դրսևորումներ: Աշակերտը այլևս չի վախենում, որ իրեն սխալ

կհասկանան, որ իր վրա կծիծաղեն, որ անզգույշ արտահայտությամբ նա կկորցնի իր հեղինակությունը, և հենց այդ ժամանակ նա դառնում է շրջապատի համար հետաքրքիր, որովհետև նրա սեփական «Ես»-ը ազատ արտահայտվելու ժամանակ դառնում է արժեքավոր: Նա սկսում է իրեն հարմարավետ և վստահ զգալ և իրեն պահում է արժանապատիվ կերպով, նրա ինքնագնահատականը և ինքնադաստիարակությունը բարձրանում են, ինչն էլ ստեղծում է նպաստավոր հոգեբանական պայմաններ նրա ուսման և սոցիալիզացիայի համար:

### **Հանդուրժողականության ձևավորումը որպես ապագա մանկավարժի մասնագիտական կոմպետենցիա**

Մենք ապրում ենք թվային դարաշրջանում, որը փոխում է կյանքի և տնտեսության բոլոր ասպեկտները: Մարդկանց, կազմակերպությունների և երկրների միջև ընկած նյութական, մտավոր և տեխնոլոգիական բացը մեծանում է: Ժամանակակից մասնագիտական կրթության համակարգը հիմնվում է կոմպետենտային մոտեցման վրա: Մանկավարժական գիտության մեջ և մասնագիտական կրթության ոլորտում մեծ տարածում և կիրառություն են գտել «մասնագիտական կոմպետենտություն» և «մանկավարժական կոմպետենցիան» հասկացությունները:

Կոմպետենտություն (կարողունակություն) հասկացությունն ունի լատինական ծագում *competo* նշանակում է հասնում եմ, ձգտում եմ համապատասխանում եմ: Ս. . Օժեգովի բառարանում կոմպետենտը մեկնաբանվում է որպես «որևէ ոլորտում գիտակ», բանիմաց տեղեկացված, իսկ կոմպետենցիան՝ հարցերի ամբողջություն, որոնցում ինչ -որ մեկը լավ տեղեկացված է: Կոմպետենտությունը (компетентность) գործունեության սուբյեկտի ձեռքբերումն է, որը ենթադրում է համապիտանի (ունիվերսալ) գիտելիքների, կարողությունների, հմտությունների, ընդունակությունների և անձնային որակների դրսևորում: Կոմպետենտությունը կոնկրետ անձի կողմից կոմպետենցիաների համակարգի (компетенции) յուրացումն է: Իսկ կոմպետենցիան (компетенции) սովորողի՝ գործունեության ընթացքում առարկայացված կոմպետենտությունն է, գիտելիքների, կարողությունների, անձնային որակների, գործնական

փորձառության համակարգը, որն էլ որոշում է անձի՝ գործունեությանը պատրաստ լինելը:

Կոմպետենտությունը ներկայանում է որպես մանկավարժական գործունեության ընթացքում հանդուրժողություն ցուցաբերած մասնագիտական և անձնային բաղադրիչների ամբողջություն՝ անձնային որակների գերակայությամբ: Անձնային որակների շարքում նշվում են ինքնուրույնությունը, հաղորդակցվելու ունակությունը, ճշտապահությունը, ինքնագարգացման ձգտումը, որոշակի աշխատանքային պայմաններում հարմարվելու-հանդուրժելու կարողությունը:

Մասնագիտական կոմպետենտությունը առաջարկում է նրա բաղադրամասերի հետևյալ դասակարգումը.

- ▶ մասնագիտական գիտելիքների, կարողությունների և հմտությունների համակարգ,
- ▶ մասնագիտական խնդիրներն ինքնուրույն ստեղծագործական լուծելու ձգտում և ունակություն,
- ▶ մարդկանց հետ աշխատելու, համագործակցելու հոգեբանական և սոցիալ-հոգեբանական պատրաստություն,

**Մասնագիտական - մանկավարժական կոմպետենտության բաղադրամասերն են.**

- ▶ Ոչ միայն հարուստ և լայն առարկայական գիտելիքներ, այլ նաև տեսական գիտելիքներ մանկավարժությունից, հոգեբանությունից և այլ գիտություններից,
- ▶ սովորողների և գործընկերների հետ հաղորդակցվելու և համագործակցելու կարողություններ և ունակություններ,
- ▶ դիմացինին գնահատելու, արժևորելու ունակություններ,

Առանձնացվում է ուսուցչի մասնագիտական հետևյալ առանցքային կոմպետենցիաները՝

- առարկայական-մեթոդական,
- հոգեբանամանկավարժական,
- ճանաչողական,
- սոցիալ-մշակութային,
- հաղորդակցական,

- տեղեկատվական-տեխնոլոգիական,
- խոսքային-լեզվական այլն:

Վերլուծելով ուսուցիչների հանդուրժողականության առանձնահատկությունները մանկավարժական գործընթացում, Յ. Պ. Պովարենկովը առանձնացնում է ուսուցիչների հանդուրժողականության երկու տեսակ՝ սոցիալական և հոգեբանական: Սոցիալական հանդուրժողականության առկայությունը թույլ է տալիս ուսուցիչին արդյունավետորեն համագործակցել կրթական գործընթացի բոլոր մասնակիցների հետ, իսկ հոգեբանական հանդուրժողականության առկայությունը ապահովում է բազմաթիվ պրոֆեսիոնալ սթրեսների նկատմամբ ուսուցիչների բարձր կայունություն և նպաստում է մասնագիտական կարիերայի արդյունավետ կառուցմանը:

Մասնագիտական մանկավարժական կոմպետենցիաները առանձնացվում են ըստ հետևյալ խմբերի

#### **Իմացական-ճանաչողական՝**

- կարողանալ օգտվել ուսումնամեթոդական և գիտական տեղեկատվությունից, ունենալ տեխնոլոգիական գրագիտություն, քննադատաբար վերաբերվել տեղեկատվությանը, համակարգել և նպատակային կիրառել այն ըստ նպատակների
- ուսումնասիրել ծրագրային և ուսումնամեթոդական նյութերը, առարկայական չափորոշիչները, գիտակցել տվյալ ուսումնական առարկայի, թեմայի նպատակները
- տիրապետել սովորողների տարիքային, հոգեբանական և անհատական առանձնահատկություններին
- գիտակցել գործունեության ուժեղ և թույլ կողմերը, վերլուծել և անաչառ գնահատել իր վարած դասերը, հիմնավորել արժանիքներն ու թերությունները, մեկնաբանել կիրառված մեթոդների ու ձևերի ընտրությունը

#### **Առարկայական - մեթոդական՝**

- նախագծել ու պլանավորել ուսումնական պարապմունքը, գրել դասի համառոտ և ծավալուն պլան-կոնսպեկտ,

- սահմանել ուսումնական խնդիրներն ու նպատակները, որոշել ուսումնասիրվող նյութի տեղն ու նշանակությունն ուսումնական դասընթացում
- ապահովել դասի առանձին փուլերի միջև հաջորդականությունն ու դասի տրամաբանական ամբողջականությունը, տնօրինել ուսումնական ժամանակահատվածը, տիրապետել անհատական, գույգերով, խմբային աշխատանքի կազմակերպման հմտություններին

#### **Կազմակերպչական`**

- սովորողներին ներկայացնել կարգապահական բնույթի պահանջներ,
- վերահսկել հանձնարարված աշխատանքի կատարման ընթացքը, հետևողական լինել, կարողանալ ապահովել սովորողների ուշադրությունը, այն խթանել հարցերի, լրացուցիչ առաջադրանքների, ուղղումների, տեղին դիտողությունների միջոցով, ուղղումներ և դիտողություններ կատարել ընտրելով մանկավարժական համարժեք ձևեր` խրախուսանք, նկատողություն, գնահատում, պատիժ և այլն
- կողմնորոշվել ըստ իրավիճակի, ճկուն, արագ գնահատել բախումնային, անկանխատեսելի իրավիճակները, ընդունել ճիշտ որոշումներ
- սովորողներին ներգրավել բանավեճի, դերախաղերի մեջ, կարողանալ բաշխել նրանց պարտականությունները:

#### **Հաղորդակցական`**

- տիրապետել հաղորդակցման միջոցների, աշակերտական կոլեկտիվում ձևավորել բարենպաստ փոխհարաբերություններ
- համարժեք արձագանքել սովորողների վարքային դրսևորումներին, կողմնորոշվել մանկավարժական իրավիճակներում և համարժեք գնահատել, աշակերտներին աջակցել անձնական խնդիրներին
- յուրացնել խոսքի տեխնիկայի հմտություններ (շնչառություն, ձայն, առոգանություն, ձայնի հնչերանգ, խոսքի տեմպ, ռիթմ և այլն), հաղթահարել անվստահությունը, վախը, լարվածությունը, կաշկանդվածությունը
- տիրապետել ուսուցչի կերպարին հարիր պահվածքին, կեցվածքին, միմիկային, շարժումներին, արտաքին տեսքի գեղագիտական արտահայտչականությանը:




Մանկավարժական գործունեության հաջողության համար անհրաժեշտ պայմանը երեխայի ընդունումն է, ինչպիսին որ նա կա: Հանդուրժող ուսուցիչը, երեխաների նկատմամբ հատուկ մարտավարության շնորհիվ իր վարքագիծը ձևավորելու միջոցով, ավելի մեծ արդյունավետություն է ստանում: Հասարակության զարգացման ժամանակակից պայմանները ուսուցչի համար նոր պահանջներ են առաջ բերում, ինչը նախատեսում է մանկավարժական հանդուրժողականության ձևավորում:

Մանկավարժական հանդուրժողականությունն ասելով պետք է հասկանալ՝ որպես կրթական գործընթացի բոլոր սուբյեկտների հետ հանդուրժողական փոխհարաբերությունների կառուցում և հմտությունների տիրապետում: Հանդուրժողականության հմտությունները՝ իբրև կրթված անձի հատկանիշներ, նպաստում են ցանկացած գիտելիքի ազատ յուրացմանը, զբաղմունքների և առանց կոնֆլիկտների, ցանկացած հաղորդակցության խաղաղ մասնակցությանը: Հանդուրժողականության սկզբունքների ձևավորմանը նպաստող հասարակական ինստիտուտներից մեկը կրթությունն է, որտեղ կրթական գործընթացի բոլոր սուբյեկտների միջև արդյունավետ համագործակցության համար օգտագործվում են երկխոսությունը, համագործակցությունը և հարգանքը:

Անհանդուրժողությունը կանխարգելող ամենաարդյունավետ միջոցը դաստիարակությունն է: Դաստիարակությունը սկսվում է մարդկանց կրթելուց, նրանց՝ իրենց իրավունքների և ազատությունների մասին տեղեկացնելու միջոցով, ինչը կապահովի այդ իրավունքների իրագործումը և կամրապնդի այլ մարդկանց իրավունքների պաշտպանության ձգտումը: Դաստիարակությունը հանդուրժողության ոգով պետք է ուղղված լինի ընդդեմ այն ազդեցությունների, որոնք հանգեցնում են այլ մարդկանց հանդեպ վախի և օտարման զգացողության:

Ստորև, գծապատկերի միջոցով, ներկայացնում ենք անհանդուրժողականության դրսևորումները:



Մանկավարժական հանդուրժողականությունը համբերատար վերաբերմունք է սեփական երեխաների, աշակերտների նկատմամբ, ունակություն է հասկանալու և ներելու նրանց ոչ կատարյալ լինելը: Այս մոտեցումը պետք է լինի բոլոր և յուրաքանչյուր աշակերտի համար անխտիր:

Այսպիսով կարող ենք ասել, որ ուսուցիչը պետք է լինի մասնագետ, լինելով հանդուրժող աշակերտների նկատմամբ նա չպետք է զիջի իր մասնագիտական կերպարը, չափից ավել բարի գտնվի աշակերտների նկատմամբ: Հանդուրժող

ուսուցիչները կարողանում են սերմանել աշակերտների մոտ այնպիսի արժեքներ ինչպիսիք են՝ մարդասիրությունը, հոգատարությունը, սերը, օգնելու ցանկությունը: Աշակերտները հեշտությամբ են կարողանում կապ հաստատել տարիքային այլ երեխաների հետ: Հանդուրժող երեխաներն ավելի մտերիմ են և ընկերասեր: Չպետք է խառնել հանդուրժողականությունը թուլության հետ: Հանդուրժել չի նշանակում լինել թույլ, կամ կատարել այլոց ցանկությունները անվերապահորեն:

Այսպիսով, ուսուցչի մանկավարժական գործունեության ընթացքում հանդուրժողականության դրսևորման հոգեբանական վերլուծությունը վկայում է այն մասին, որ այն համարվում է ուսուցչի անձի մասնագիտական կարևոր որակ և ազդում է նրա աշխատանքի արդյունավետության, ինչպես նաև կրթական գործընթացի բոլոր սուբյեկտների հետ փոխհարաբերությունների վրա:

Յուրաքանչյուր մարդ հանդուրժողականությունը պետք է կրի իր մեջ և մասն դարձնի իր բարոյական կերպարին:

Վերը նշվածից կարելի է ասել, որ հանդուրժողականություն և համբերատարություն բառերը հոմանիշներ են:

Ժամանակակից մարդը ոչ միայն կրթված անձն է, այլև անձ, որը հարգում է ինքն իրեն և հարգված է ուրիշների կողմից: Այդ իսկ պատճառով, ամենակարևոր խնդիրը երիտասարդ սերնդի մոտ շրջաապատող մարդկանց հետ փոխհամագործակցության ընթացքում հարաբերություններ կառուցելու ունակության ձևավորումն է, համագործակցության և փոխըմբռնման հիման վրա, պատրաստակամություն ընդունելու այլ մարդկանց, նրանց տեսակետները, սովորույթները և սովորությունները, այնպիսին, ինչպիսին նրանք կան:


Տարրական դպրոցը անձի ձևավորման և զարգացման դպրոց է, և ուսուցչի գերխնդիրն է ոչ թե մայրենի լեզվից և մաթեմատիկայից համակարգված գիտելիքների հաղորդումը, այլ ինքնաճանաչման, ինքնադրսևորման, նրանց մտածողությունն ու խոսքը զարգացնող, անձնային բարձրարժեք որակներ ձևավորող և ապագա ուսումնական գործունեության համար պատրաստ անձ ձևավորելու համար անհրաժեշտ միջավայր ստեղծելն է:

Հանդուրժող ուսուցիչները կարողանում են սերմանել աշակերտների մոտ այնպիսի արժեքներ ինչպիսիք են՝ մարդասահիրությունը, հոգատարությունը, սերը, այլակարծությունը, օգնելու ցանկությունը:

Բարությունը ուսուցիչի հանդուրժողականության առաջատար ուղղորդիչներից է: Երեխան գնում է դպրոց, ուսուցչի նկատմամբ անսահման վստահությամբ և ուրախությամբ: Ցավալի է, եթե ուսուցիչին հասանելի չեն երեխայի ուրախության և սեփական անձի նկատմամբ վստահության հանդեպ պատասխանատվության զգացմունքները: Ուրախության, վստահության, ջանքերի կրակը հեշտությամբ մարվում է կոշտ խոսքով, երեխայի կարծիքը, տեսակետը չընդունելով, անտարբեր ժեստով: Երեխաները հիանալի զգում են մեծահասակների բարությունը: Եվ հաճախ լինում է այնպես, որ չարացած աշակերտը աստիճանաբար բարի է դառնում, եթե նա գտնվում է բարության, սիրո, փոխըմբռնման և հարգանքի մթնոլորտում:

Պետք է նշենք նաև, որ հանդուրժող ուսուցիչը դաստիարակում է հանդուրժող աշակերտներ: Հանդուրժող ուսուցիչը լավատես է, կյանքը սիրող, բարի, կենսուրախ, անկախ և իրատեսական, ունի պատասխանատվության զգացում, ցույց չի տալիս չափից ավելի վստահություն կամ կասկած, հարգում է ուրիշների կարծիքները, օգտագործում է համապատասխան հմտություններ երկխոսության միջոցով հակամարտությունների խաղաղ կարգավորման համար: Նպաստում է աշակերտների և ծնողների ներգրավմանը որոշումների կայացմանը և համատեղ գործողությունների ծրագրերի մշակմանը:

Հանդուրժող ուսուցիչների աշակերտները տարբերվում են անհանդուրժող ուսուցիչների աշակերտներից: Նրանք հետաքրքրասեր են, ուրախ, ակտիվ, անկախ, համակրելի, վստահելի, ուշադիր և բարեհոգի:



Այս գծապատկերը համառոտ ներկայացնում է ժամանակակից պայմաններում աշխատող ուսուցչի հանդուրժողականության մոդելը:

Այսպիսով, հանդուրժողական անձի դաստիարակությունը իրականացվում է՝ ընտանիքում, դպրոցում, այլ կրթական և արտադպրոցական հաստատություններում: Անձի դաստիարակության գործընթացին նպաստում են երիտասարդական սոցիալական ծառայությունները, հասարակական (ազգային և մշակութային հասարակությունները և միությունները, ոչ պետական հասարակական կազմակերպությունները, տարբեր հիմնադրամները), կրոնական

կազմակերպությունները, պետական մարմինները (տեղական և կենտրոնական) և,  
վերջապես, համաշխարհային հանրությունը (միջազգային  
կազմակերպությունները և հիմնադրամները) :

## ԵԶՐԱԿԱՑՈՒԹՅՈՒՆՆԵՐ

1. Տարբեր գիտությունների համակարգում <<Հանդուրժողականություն>> հասկացության վերլուծության արդյունքում եզրահանգեցինք, որ կան տարբեր մեկնաբանություններ և վերլուծություններ դրա վերաբերյալ, համաձայն որի հանդուրժողականությունը դիտարկվում է որպես ուրիշների վարքի մոդելների, համոզմունքների և արժեքների հանդեպ ազատական ընդունման դիրքորոշում:
2. Մանկավարժական հանդուրժողականությունն իբրև ուսուցչի մասնագիտական կոմպետենցիա դրսևորվում է նրա մանկավարժական գործունեության մեջ՝ դիտարկվելով որպես ուսուցչի վարքականոնի պարտադիր բաղադրատարր, հիմնարար սկզբունքներից մեկը, այսինքն այն գտնվում է ուսուցչի մասնագիտական կոմպետենտության կենտրոնում և դրանով է պայմանավորված ժամանակակից ուսուցչի հանդուժող վարքագծի ձևավորումը:

## ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

- 1 Ալեքսանյան Լ. , Ֆ. Մանկավարժություն գիտամեթոդական ամսագիր N 7, 2012թ.:
- 1 Ամիրջանյան Յու. Ա. , Սահակյան Ա. Ս. Մանկավարժություն ուսումնական ձեռնարկ, Մանկավարժ 2005թ. :
- 2 Ասովաձատրյան Մ. , Ավագյան Մ. , Թերզյան Գ. Մանկավարժական կրթության մասանագիտական զարգացման հայեցակարգը, Երևան 2014թ. :
- 3 Հակոբյան Ս. , Զոհրաբյան Ա. , Պետրոսյան Ս. Ուսուցչի էթիկայի նորմեր Երևան Տիգրան Մեծ 2014թ. :
- 4 Վարդումյան Ս. Տ. Ժամանակակից մանկավարժական մոտեցումներ, քսաներորդ դարի մանկավարժական տեսություններ. ձեռնարկ մանկավարժների և ուսանողների համար, Երևան Նոյյան տապան 2005թ. :